

Po formiranju OpŠTO počelo se sa organizovanijim načinom formiranja jedinica TO opštine Visoko, tako da su sve jedinice mjesnih zajednica koje su formirane preko Kriznih štabova MZ počele uobličavati u krupne sastave - RjŠTO.

Odlukom Predsjedništva R BiH o objedinjavanju svih naoružanih snaga na teritoriji R BiH, OpŠTO izdao je 10. aprila 1992. godine JAVNI PROGLAS u kome se pozivaju svi naoružani sastavi i pojedinci, osim snaga JNA i snaga MUP-a koji djeluju na teritoriji opštine Visoko pod raznim oznakama i simbolima, da se prijave OpŠTO, radi stavljanja pod jedinstvenu komandu i dobivanja jedinstvenih obilježja. Rok prijavljivanja i evidentiranja bio je 15. april 1992. godine.

Težište u radu Ratnog OpŠTO u to vrijeme bilo je na formiranju RjŠTO Visoko, Buci, Moštre i Gračanica i njihovih jedinica čije je formiranje završeno do 24.04.1992. godine.

Paralelno sa ovim aktivnostima organizovano se radilo na izboru i pripremi ljudstva za formiranje Prvog OdTO Visoko i MAD-a Visoko čija su formiranja završena 25.04.1992. godine na Stadionu "7. April" Visoko, a svečano postrojavanje izvršeno je isti dan u 16,00 sati u krugu Kasarne "A. Fetahagić" Visoko, koju su dan ranije napustile starješine i vojnici bivše JNA i srpski dobrovoljci (četnici).

Postrojavanje ovih jedinica proteklo je uz dizanje i POČAST ZASTAVI R BiH.

Odziv na mobilizaciju ovih jedinica bio je izuzetan a obzirom da su pozvani svi pripadnici u ranijem sastavu, da bi kasnije pripadnici srpske i hrvatske nacionalnosti počeli masovno da izbjegavaju i bojkotuju mobilizaciju.

Poslije ovih aktivnosti radilo se na daljoj pripremi i organizovanju komandi i jedinica za izvođenje borbenih dejstava na teritoriji Opštine Visoko i ovom prilikom ne bi dalje išli u analize.

Veoma je važno napomenuti da smo prilikom izvršavanja navedenih teških i složenih zadataka imali veoma dobru pomoć i podršku Ratnog predsjedništva SO-e Visoko, SNO-a Visoko, SJB Visoko i privrednih subjekata opštine Visoko.

OpŠTO Visoko profilirao je veoma veliki broj starješina koji se sada nalaze na veoma odgovornim funkcijama od ministarstava Vlade, štaba VK A R BiH, Komandi Korpusa do Komandi brigada.

Iz ovog štaba u aprilu 1992. godine otišli su Golubović Stojan i Todorović Nenad, a kroz ovaj štab prošlo je 68 rezervnih starješina i 21 starješina iz bivše JNA.

BF/SH

K O M A N D A N T
Faruk Buljušmić

Faruk Buljušmić